



- **SVIM KANTONALNIM MINISTARSTVIMA I DRUGIM TIJELIMA KANTONALNE UPRAVE ZDK**
- **SVIM JAVNIM USTANOVAMA I JAVNIM PREDUZEĆIMA NA PODRUČJU ZDK**
- **SVIM POSLODAVCIMA NA PODRUČJU ZDK**

PREPORUKE ZA POSLODAVCE I RADNIKE S CILJEM SPRJEČAVANJA BOLESTI
IZAZVANE KORONAVIRUSOM – COVID-19

U vezi sa postupanjem poslodavaca i radnika, s ciljem sprječavanja bolesti izazvane koronavirusom (COVID-19) i u skladu sa preporukama Federalnog ministarstva rada i socijalne politike, Ministarstvo za rad, socijalnu politiku i izbjeglice Zeničko-dobojskog kantona u okviru svoje nadležnosti daje sljedeće preporuke poslodavcima:

- Da provedu posebne mjere zaštite kojima će spriječiti nastupanje štetnih posljedica po zdravlje radnika, na način da radnicima skrate trajanje radnog vremena, ukoliko to proces rada dozvoljava;
- Poslodavcima koji zapošljavaju veći broj radnika da izvrše reorganizaciju radnog vremena, ukoliko to proces rada dozvoljava, te da rad koji se odvija u jednoj smjeni rasporede u dvije smjene, kako bi se izbjegla koncentracija većeg broja radnika na jednom mjestu;
- Da radnicima daju upute za rad od kuće, ukoliko je to zbog prirode posla moguće, odnosno ukoliko to proces rada dozvoljava;
- Da omoguće korištenje godišnjeg odmora radnicima kao i korištenje odsustva u skladu sa zakonom, kolektivnim ugovorom ili pravilnikom o radu;
- Da se radnicima roditeljima malodobne djece do deset godina, omogući odsustvo sa posla jednom roditelju, u slučaju da oba roditelja rade;
- Otkazivanje svih službenih putovanja, kako u državi, tako i u inostranstvu, a posebno otkazivanje službenih putovanja na koja bi se upućivali radnici sa dijagnostičiranim hroničnim oboljenjima. Prilikom upućivanja na službena putovanja koja nije moguće otkazati, potrebno je radnike uputiti na instrukcije koje su izdate od strane nadležnih zdravstvenih institucija i ustanova na područjima gdje putuju, te radnicima obezbijediti odgovarajuća zaštitna sredstva, kao što su maske, sredstva za dezinfekciju i sl.;

- Poslodavci su obavezni u skladu sa propisima iz oblasti zaštite na radu osigurati redovno i pojačano provođenje higijenskih mjera u radnim i pomoćnim prostorijama, a koje između ostalog, podrazumijevaju čišćenje i dezinfekciju prostora, kao i redovnu ventilaciju i provjetravanje;
- Otkazivanje sastanaka koji podrazumijevaju veći broj učesnika. Također, sastanci koji su neophodni, trebali bi biti organizovani u što većim prostorijama, uz dovoljan razmak između učesnika sastanka (1-2 metra);
- Poslodavci i radnici se upućuju da u vezi sa regulisanjem privremene spriječenosti za rad, usljed novonastalih okolnosti postupaju u skladu sa uputama Federalnog ministarstva zdravstva;
- Poslodavci i radnici se upućuju da u svemu postupaju u skladu sa uputama Federalnog ministarstva zdravstva, a koje su date poslodavcima i radnicima na teritoriji Federacije Bosne i Hercegovine.

Broj:09-30-4355/20
Zenica, 17.03.2020. godine

